

13/11/2000

Malaysia tawar jadi tuan rumah sidang kemuncak ke-10 OIC

DOHA, Ahad - Malaysia menawarkan diri untuk menjadi tuan rumah sidang kemuncak ke-10 Pertubuhan Persidangan Islam (OIC) pada 2003.

Tawaran itu disampaikan Datuk Seri Dr Mahathir Mohamad dalam ucapannya pada hari pertama sidang kemuncak kesembilan OIC, di sini hari ini.

Perdana Menteri yang berucap mewakili kumpulan Asia berkata, Malaysia berminat untuk terus memperkukuhkan pengaruh dan mempromosikan aktiviti serta program OIC.

"Kami menganggap sidang kemuncak tiga tahun sekali ini sebagai forum penting untuk pembangunan ummah," katanya.

Dr Mahathir berharap tawaran Kuala Lumpur itu mendapat pertimbangan semua anggota OIC.

Jun lalu, Kuala Lumpur menjadi tuan rumah Persidangan Menteri Luar Negara Islam (ICFM) ke-27.

Selain Malaysia, Gambia turut menawarkan diri untuk menjadi tuan rumah sidang kemuncak ke-10 itu. OIC yang ditubuhkan pada 1969, kini dianggotai 56 negara.

(END)